



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
- GRADONAČELNIK -
Broj: 01/2-04-89-2210 /20
Živinice, 22.09.2020. godine.**

Na osnovu člana 38. Statuta Grada Živinice („Službeni glasnik grada Živinice“, broj: 5/19) i člana 2. Odluke Općinskog vijeća Živinice, o stručnom osposobljavanju bez zasnivanja radnog odnosa nezaposlenih osoba visoke stručne spreme (VSS) srednje stručne spreme (SSS)-III i IV stepena („Službeni glasnik općine Živinice“ broj 11/17), Gradonačelnik Grada Živinice objavljuje

JAVNI POZIV

pravnim subjektima iz javnog, privatnog i nevladinog sektora za realizaciju Programa obavljanja stručnog osposobljavanja bez zasnivanja radnog odnosa, nezaposlenih osoba sa završenom visokom i srednjom stručnom spremom

I

Pozivaju se pravni subjekti iz javnog, privatnog i nevladinog sektora, prvenstveno sa područja Grada Živinice, da na osnovu vlastitih mogućnosti iskažu spremnost za prijem i učešće u realizaciji Programa obavljanja stručnog osposobljavanja bez zasnivanja radnog odnosa, nezaposlenih osoba sa završenom visokom (VSS) i srednjom stručnom spremom (SSS) - III i IV stepena (u daljem tekstu: VSS i SSS), za rad u struci.

II

Pravni subjekti obavezni su obezbijediti mentora odgovarajućeg zanimanja za nezaposlene osobe na stručnom osposobljavanju bez zasnivanja radnog odnosa.

III

Pravni subjekti koji iskažu spremnost za prijem nezaposlenih osoba na stručno osposobljavanje bez zasnivanja radnog odnosa nemaju finansijskih obaveza i nisu dužni obezbijediti naknade za rad, naknade za topli obrok, prevoz, niti druge naknade.

IV

Grad Živinice preuzima finansijske obaveze koje proističu iz zakonskih i drugih propisa, a koje se odnose na osiguranje nezaposlenih osoba na stručnom osposobljavanju bez zasnivanja radnog odnosa za slučaj profesionalne bolesti i povrede na radu.

V

Grad Živinice će sa pravnim subjektima zaključiti ugovore o stručnom osposobljavanju bez zasnivanja radnog odnosa, u kojima će se bliže regulisati međusobna prava i obaveze u pogledu angažovanja nezaposlenih osoba.

VI

Pravni subjekti su dužni sa svakom angažovanom osobom na stručnom osposobljavanju bez zasnivanja radnog odnosa zaključiti Ugovor o stručnom osposobljavanju bez zasnivanja radnog odnosa, kojim će urediti međusobna prava i obaveze, za vrijeme trajanja stručnog osposobljavanja bez zasnivanja radnog odnosa.

VII

Broj nezaposlenih osoba koje će biti angažovane na stručnom osposobljavanju bez zasnivanja radnog odnosa uslovljen je iskazanim interesom pravnih subjekata i planiranim finansijskim sredstvima u Budžetu Grada Živinice za 2020. godinu, za ove namjene, na budžetskoj poziciji “Doprinosi za zdravstveno osiguranje određenih korisnika na teret budžeta - Program stručnog osposobljavanja bez zasnivanja radnog odnosa”, ekonomski kod 613 985, i to:

- 70% VSS i

- 30% SSS.

VIII

Svoje prijave o iskazanoj spremnosti za prijem nezaposlenih osoba na stručno osposobljavanje bez zasnivanja radnog odnosa (sa naznačenim zanimanjem i brojem osoba koje su spremni primiti) pravni subjekti mogu dostaviti Službi za opću upravu, društvene djelatnosti, boračko invalidsku zaštitu i raseljene osobe, Grada Živinice, na prijavnim obrascu koji se može preuzeti u Šalter sali i na web stranici Grada Živinice, www.gradzivinice.ba.

Prijave na Javni poziv za realizaciju Programa obavljanja stručnog osposobljavanja bez zasnivanja radnog odnosa pravni subjekti mogu dostaviti u zatvorenoj kovrti u pisarnicu Gradske uprave Živinice ili putem pošte, na adresu:

**Grad Živinice,
Komisija za provođenje postupka i odabir kandidata za obavljanje stručnog
osposobljavanja bez zasnivanja radnog odnosa,
ulica Alije Izetbegovića, broj: 28,
75270 Živinice.**

Javni poziv je otvoren 15 dana od dana objavljivanja na oglasnim tablama i web stranici Grada Živinice.

Dostavljeno :

1. RTV Živinice,
2. Oglasne table Grada Živinice,
3. Web stranica Grada Živinice,
4. a/a

GRADONAČELNIK

dr. Samir Kamenjaković